

蘄州誌卷之七

文林郎致仕知縣州人甘澤纂輯

儒學學正閩人王舜卿校正

訓導真陽裴文采同校正

訓導閩人趙士讓編次

訓導蒙化李茂同編次

人物

辛陽八子出而世號多賢唐虞人才之盛而孔子猶不滿於十數豈當時人才止於八子而九人之外果不適於用乎要亦責

蘄州誌

地

十六

程其至極者以嘆其難號為多耳州之人才其遺逸既多今欲補記無由故推五代至今一鄉之望以示後來

晉

王彥明其先徽州休寧人東晉時父拱來居蘄

陽縣子彥明彥良彥明仕晉時值晉衰慨恭

皇帝禪位於南宋高祖武皇帝劉裕自誓臣

無二君之義棄官還蘄裕將徵用詔再至挈

家鑿舟於龍眼磯中流沉水而死時人哀其

義不忘晉私謚烈士祠祀於磯之北岸舊誌

誤為蘄州知州列次名宦類今據考見當為



土著疏列人物

宋

吳瑛州人知郴州以虞部員外郎壯年致仕歸  
蘄臨谿築室種花釀酒賓至必醉或坐卧花  
間客有臧否人物者不酬一言人莫不愛其  
樂易而敬其高尚輕財重義人有負錢數十  
緡而母老卽焚其券卒年八十有四

國朝

陳堯章蘄州府蘄春縣人博極經史讎校精謹  
洪武二年任本府儒學訓導陞浙江杭州府  
臨安縣知縣興利除害惠愛及人以勤勞致

蘄州志

地

十九

疾卒于官民思之比之羊叔子

趙霖蘄州府蘄春縣人洪武二年任本府儒學  
訓導陞鳳陽府通判學道愛人根於天性故  
其贊畫時政率多長貳裨益無或腹誹之者  
馮思齊字希賢蘄州府蘄春縣人洪武六年爲  
弟子員時道出北關渡溺城隅遭守者百戶  
黎宣撻思齊屈於理莫敢誰何惟怒曰不爲  
朝臣不履此門應貢入成均

太祖高皇帝幸太學望見儀度瓌瑰詔得其名氏有  
有福孩兒之諭尋擢御史巡按九江等處先



是黎宣改調九江衛被劇盜誣坐獄思齊平  
反得白宣慚泣以沉香刻像報祀差遣光祿  
寺勾當知

聖躬夜幸三宮

故諫言剴切謫雲南

大理府推官尋

詔還其職以疾卒訃

聞欽恤其妻子寡弱遣葬江浦縣浦子口香爐山思  
齊平生專務脩己進取得君推赤獻欵平反  
冤獄不畜舊怨可謂得忠恕之道者歟孫祥  
亦有志當時而輒軻其行

人 蕪湖志

地

千

熊翼州人由太學生中求樂二十一年癸卯鄉  
試甲辰第進士擢御史陞右副都御史巡撫  
甘肅總督軍務凡師出動循紀律懋著功伐  
西人懾伏而邊陲無陸梁之擾家食時立志  
不羣嘗以經濟自負有詩云嘗憶當年呂蒙  
正如茲落冕尚封侯其後位躋榮顯果符其  
識爲鄉邦增氣及歸老移籍于河南之光州  
故國之人殆莫能覘其隱約云

宋誠字彥實中正統三年戊午鄉試卒業成均  
授四川劔州知州丁外艱服闋改直隸徐州



知州陞四川叙州府知府所至政聲烜赫人以神明稱之

王翰字廷舉州人早入上庠有聲士林間中景泰四年癸酉鄉試丁丑登黎淳榜進士第授戶部主事陞員外郎轉郎中陞廣信府知府愛民如子一以撫字為心條陳便民七事奏刊落時弊務行其所志性直剛勁挺特不撓于時至詆奸諛拂袖掛冠謝去飄然賦張翰秋風之興來歸鄉井之細石山規敞數楹植松萬章以為環堵因扁萬松窩日坐其中校

人 勤州志 地 王

讎古書如不及絕口不理當世事澹如也都御史沈暉高其行有詩以頌美之年至期頤子儼捷庚午魁得報喜溢顏面語人曰吾衣鉢有託矣卒之年揮手長逝畧無顧慮云所

著有松窩集藏于家沈暉詩云君不見柴桑翁棄官歸家撫孤松晦

庵特書晉處士至今石世間清風又不可見藍田公餘常我二松間昌黎直筆記丞壁亦

有聲價垂千年使君愛松有奇癖繞舍只教栽萬植乾坤生息雨露滋數載盡高三百尺

誅茅結屋古碕阿彷彿堯天安樂窩閉門不許俗客到終日坐對長吟我來偶過新陽

路載酒尋君隱居處恍然置我徂徠間萬壑陰森鎖雲霧矯如群龍戲滄海勁若壯士森

翩珮又疑漢武獵上林千隊電旌迎翠蓋解衣石上聊盤礴看舞秋陰雙白鶴酒醒涼風



樹杪來詩成香雪崖前落君村磊落抱棟梁  
合柱清廟登明堂何為小試向山郡遽乞黃  
冠歸故鄉山中清樂浩不極世上浮名空役  
役式看雲臺蓋世功何似羊裘澤中客如君  
進退真見幾直節高風天下稀作詩聊為補  
史傳流芳定見超前轍

陳溱字濟寬州人中正統九年甲子鄉試北捷  
於禮闈入太學以卒業註選銓曹考上最  
授虞部主事有澤梁之任分督濟寧河間時  
值中貴舩艦犯禁卽律之以法而不少假借  
中貴頷之而去肆中浮石沉木之毀竟坐成  
其獄置戍貴州清平衛朝野弗莫吐舌而為  
之寒心溱慷慨就道毅然持戟以從事至於

八 蘄州誌

地

主

懣集憂深則發諸詩歌以寓懷怨而不怒猶  
不失忠厚之意溱素喜工詩長篇短什若不  
加意而機杼圓活瀟灑清麗有陶謝之風致  
所著有獨醉稿散逸無傳

張禧字吉夫州人精通禮經中景泰元年庚午  
鄉試家雖甚貧頻年會試未嘗不負篋而往  
用圖大其事功及其初心已負而銓選期屆  
授湖州府推官高雅自持一以平反注念人  
不敢干以私公庭清暇號無冤獄或以定國  
釋之目之至可否忤長貳嘆曰吾以清白傳



家今不翅足矣遂丐歸鄉并居敝屋數椽如  
懸磬人或不堪而已則裕然誦讀爲娛樂畧  
不以貧屢經意州大夫聞之或周之以粟帛  
曾未有錙銖誥求士林多高其節操爲文清  
新融暢化腐爲竒雖專門名家所不及所著  
有子書論無傳

先父姓甘名瑩字德輝別號玉窓子中成化戊  
子鄉試丁未授福建福寧州知州視篆未浹  
旬而卒于瘴癘愛民澤物之心竟賚志以往  
嗚呼兆足以行矣天實阨之柰之何哉先父

〽 蘄州誌

地

〽 三三

行實所可錄者居多不肖孤脩事實難於措  
詞追惟先父苦於學問涉獵百氏經史工詩  
章樂府喜松雪字畫平生尚氣節操履亦不  
苟是則在鄉評所隱括者謹述而揚之不蔽  
若夫過情以誣吾父則非不肖孤之所敢也  
所著有謾興經學之餘風月閒情諸稿藏于  
華仲賢字廷佐州人中天順六年己卯鄉試成  
化乙未登謝遷榜進士第授刑部主事錄事  
山西陽曲風裁凜凜片言之下疑獄頓決自  
是以明刑著轉本部員外郎庭無負寃之獄



陞常州府知府剽繁理劇嚴以寬濟陞廣東  
右叅政尋陞四川右布政轉福建左布政所  
歷三大藩不求赫赫聲而裕國安民之計自  
著惜未竟其用以疾卒于家子巒先卒

華巒字伯瞻少以敏才博極諸書從邃庵楊先  
生學會領其印正中成化丙午鄉試第一丁  
未登費宏榜進士第選庶吉士授編脩爲太  
史陸鼎彝器重有質以館下史才鼎彝以巒  
對曰青年文字便闖老宿門戶又曰天亦忌  
才年及四六果天所著有日新齋稿失傳

人 新誌

地

卷五

陳大中字時甫號鳳麓以官籍隸蘄州時甫爲  
人簡而無傲寬而有容自處高視一世人或  
比之孤鴻之在遠漢其入官由弘治乙卯鄉  
薦戊辰登李紳榜進士第擢民部主事陞員  
外郎轉郎中遷知慶遠府事偃蹇獨立有長  
松之於幽壑之操及擢福建鹽運使則以裕  
國安民爲計文章政事卓有能聲雖或爲宵  
人陰毀然公直在已私枉自別寔爲縉紳之  
所尊信故其死之日弗莫悲悼先是歸隱卜  
築鳳凰山麓榜曰鳳麓書院僉事方公豪叅



議王公淮皆有詩以頌美之下方新書院鳳山

才聽江鶯轉陳公拉我沈扁舟隨派笑弄桃

花片紫薇仙客意更高數遺青衣牽我袍柰

我如鳳山頭紅霞接飛棟芸草時香繞萬籤

梅如古調聞三弄庭下郎君皆鳳雛山靈此

意良不孤丈人醉詳黃金帶侍者嬌擊白玉

壺官高多子且肖歸來只合長歌嘯我兒

豚犬仍官小尚謂此行得無謂君不見彭澤

之官八日五男總不喜紙筆飄然亦賦歸

去來鳳山之樂真特出王公詩官有高爵

揮毫點染更成世態鳥音轉面江分高巖頽

顏著藍袍院裏吾伊聲聲好誦法孔孟與伊

臯鳳山之足栖鳳早售明時作梁棟由來

積善慶有餘鄙夫底用恣舞弄老鳳朝陽先

引雞脩翎健翎與不孤有時戴著東坡巾有

時醉倒淵明畫棠陵高才罕比肖次第題

發大醉爾長淵明主人醉登臨扁舟浩然避時

君不見當今大明全勝日大要總不在紙

筆卓哉書院好作則不負丈夫處與出

**劉樽字宗器州人童蒙時祖演立義塾延先公**

**訓其子誌及樽樽性全別先公獨稱許之後**

**誌僅應**

**詔納監樽果能明經為弟子員致聲儒林間賦命**

**輒軻累蹶塲屋年四十八始舉鄉試至五十**

**又四登唐臯榜進士授海豐縣令海豐齊俗**

**民多詭詐樽將以道變之適罹外艱去竟未**

**成其志服闋改令遂寧縣著有能聲擢南京**

**行太僕寺丞視前政稱最陞知鶴慶軍民府**



事取道還鄉并省墓以疾卒于家無百畝之田一味清白以遺子孫時左史吳公稷極稱道之

科貢

先王建國必取賢斂才以為治化之本焉蓋自三代以上號稱隆盛未有不由于斯者也我

國朝一遵古制其于賢能固有鄉舉進士之科矣又準廩養資格例有歲貢或時下

恩詔占廩及年四十五至輸邊皆得作養成均

人 蘄州誌

地

二十六

用是大小底用致世雍熙 足以比隆三代而無忝于古先哲王者良有以夫志科貢

甲科

南唐

陳起見人物誌

宋

甘霖字起崖州人戊辰登陳子龍榜進士授復州教授漢陽主簿

國朝

張仕安州人中洪武十七年甲子鄉試乙丑登



丁顯榜進士授廣西臨縣縣丞

王燾州人中洪武十七年甲子鄉試乙丑登丁

顯榜進士授廣西縣丞

胡琪州人中永樂元年乙酉鄉試丙戌登曾啓

榜進士授真定府無極縣知縣

熊翼見人物誌

王翰見人物誌

劉澄字巨淵蘄州衛人中正統十二年丁卯鄉

試天順元年丁丑登黎淳榜進士授戶部主事

華仲賢見人物誌

蘄州誌

地 志

華鑾見人物誌

壽儒字宗魯其先浙江上虞人隨父遊宦於蘄

因占籍焉中成化十九年癸卯鄉試丁未登

費宏榜進士授刑部主事

陳大中見人物誌

張思齊字希賢州人中弘治八年乙卯鄉試乙

丑登顧鼎臣榜進士授四會縣知縣陞亳州

知州轉鳳陽府同知陞四川僉事轉建昌兵

備副使改霸州兵備副使因疾乞休

詔許養病病痊起調廣東瓊州兵備副使陞廉本司使



劉樽見人物誌

高鵬字汝南蘄州衛人中正德十一年丙子鄉

試丁丑登舒芬榜進士授淳安縣知縣調蕭

山縣除河南亳州判官陞四川順慶府西克

縣知縣遷崇慶州知州

郝守正字中夫州人嘉靖元年壬午鄉試登

癸未姚涑榜進士授直隸南皮縣知縣陞楊

州府同知

鄉試

宋

蘄州誌

地

天

甘澤字濟淑州人兩領鄉舉免解就省榜

國朝

張仕安見甲科誌

王嘯詳見甲科誌

葉銓州人中洪武二十三年庚子鄉試授浙江

處州府青田縣知縣陞漢中府知府

柳隆州人中洪武二十九年丙子鄉試授四川

成都府井研縣儒學教諭

汪祐州人中洪武二十九年丙子鄉試授教諭

朱彤州人中洪武二十九年丙子鄉試授山東



兗州府全鄉縣儒學教諭

程式州人中洪武二十九年丙子鄉試授四川

成都府鄭縣儒學訓導

王廷中州人中洪武二十九年丙子鄉試授四

川章明縣儒學訓導

明晉州人中永樂元年乙酉鄉試授河南光州

儒學學正

周和州人中永樂元年乙酉鄉試授四川順慶

府廣安州儒學訓導

張彤州人中永樂元年乙酉鄉試授工部主事

新誌

地

三九

謫大興縣縣丞

張玠州人中永樂四年戊子鄉試授福建泉州

府晉江縣儒學教諭

陳情州人中永樂四年戊子鄉試

張桓州人中永樂四年戊子鄉試

潘虔州人由太學生中永樂七年辛卯鄉試授

四川嘉定州威遠縣儒學教諭

劉蓋州人中永樂七年辛卯鄉試授訓導

徐顯州人中永樂十年甲午鄉試授四川成都

府綿竹縣儒學教諭



胡僖州人中永樂十年甲午鄉試

程燧州人中永樂十三年丁酉鄉試第一名授

江西新都縣儒學訓導

鄭杜州人中永樂十三年丁酉鄉試授廣東潮

州府同知

張惠州人中永樂十三年丁酉鄉試授通判

魯榮州人中永樂十三年丁酉鄉試授知縣

余悅州人中永樂十三年丁酉鄉試

張璉州人中永樂十六年庚子鄉試

徐鐸州人中永樂十六年庚子鄉試

入蘄州誌

地 三十

何清州人中永樂十九年癸卯鄉試任河南唐縣知縣

熊翼見甲科誌

宋誠見人物誌

劉瑄蘄州衛人中正統六年辛酉鄉試授訓導

陳濤見人物誌

劉澄見甲科誌

毛晟州人中正統十三年丁卯鄉試授訓導

張僖見人物誌

江琳州人中景泰元年庚午鄉試授知縣

黎冕州人中景泰四年癸酉鄉試



王翰見甲科誌

胡祥字應科州人景泰七年丙子鄉試授雲南昆陽州同知

華仲賢見甲科誌

金蘭字廷秀蘄州衛人中成化元年乙酉鄉試授江西南康府學訓導

易濂字源潔州人中成化元年乙酉鄉試授四川武隆縣知縣

甘瑩見人物誌

何珍字廷獻州人中成化四年戊子鄉試授貴

人 蘄誌

地

三

州布政司經歷陞廣東提舉司提舉卒于家田鵬字萬里蘄州衛人中成化十年甲午鄉試第二名授廣東乳源縣知縣卒于家

壽儒見甲科誌

華霽字景明蘄州衛人中成化十九年癸卯鄉試授雲南彌勒州知州陞武定軍民府同知降澂江府教授陞永寧府同知

劉臣字良弼州人中成化十九年癸卯鄉試授雲南羅雄州同知卒于官

華巒見甲科誌



甘澤字仁夫別號真庵瑩長子中成化二十二  
年丙午鄉試授蘇州府吳縣儒學訓導陞太  
倉州學正陞鎮江府教授保陞四川順慶府  
渠縣知縣秩滿懇乞歸休當道許之

陳僖字均樂別號寅齋蘄州衛人中弘治五年

鄉試授豐縣知縣而卒迨惟君樂雖門第束脩俱奉親不私素稱端方益信宜列入物志

黃廷玉字德夫中弘治八年乙卯鄉試授溫江

縣儒學教諭陞福建晉江縣知縣

陳大中見甲科誌

張思齊見甲科誌

蘄州誌 地 三十一

楊榮字本仁中弘治十四年辛酉鄉試

宋良臣字希夔蘄州衛人中弘治十七年甲子

鄉試授河南確山縣知縣卒于官

王儼字望之翰之子州人中正德五年庚午鄉

試經元嘉靖八年

劉樽見甲科誌

甘棠字茂夫瑩第四子州人中正德八年癸酉

鄉試授雲南師宗州知州

高鵬見甲科誌

李朴字淳夫州人中正德十一年丙子鄉試



劉傑字楚望州人中正德十一年丙子鄉試  
張達字德孚州人中正德十一年丙子鄉試  
郝守正見甲科誌

陳吉言字夏卿中嘉靖四年乙酉鄉試第一名  
李時言字宜輔州人中嘉靖七年戊子鄉試  
馮天馭字汝良州人中嘉靖七年戊子鄉試  
張仁字愛之州人中嘉靖七年戊子鄉試  
翁景昕字子旦州人中嘉靖七年戊子鄉試  
歲貢

呂仲和授直隸廣德州吏目

蘄州誌

地

三三

朱仕俊

字時英按竹驗洪武二年以建寧路同知  
勾當江西舊誌疏貢在是歲疑誤

楊遜授直隸河間府通判

馮思齊見人物誌

張允誠授四川江安縣儒學教諭

李忠善授福建福清縣主簿

曹正義授戶部主事

余觀授廣東高州府化州判官

李瑄授四川大足縣知縣

昌祚授松江府華亭縣知縣

李端授知縣



毛義授縣丞

潘浩授陝西道監察御史

葉幾授知縣

王慶授知州

葉綦授知府

顧謙授經歷

陳惇授四川重慶府推官

熊兆授縣丞

馮銘授經歷

李俊授主簿

入 蕪湖誌

地

三四

江永授江西余干縣縣丞

潘譚授四川順慶府儀隴縣知縣

曹善授縣丞

張通授廣東會城縣知縣

陳暹授浙江西安府西安縣知縣

翁裕授縣丞

盛源授縣丞

朱謚授知縣

張清任江西永豐縣縣丞

張永清授雲南路南州吏目



馮志授直隸徽州府祈門縣縣丞

張禮授經歷

李茂授浙江蕭山縣縣丞

王志授經歷

朱納授經歷

陳憲授主簿

陳昇授直隸真定府無極縣主簿

寇昱授典寶

周紹授主簿

周傑授訓導

入 蕪 誌 地 三 五

王慎授訓導陞教諭

徐卿

趙昌授主簿

謝忠授照磨

李英授縣丞

戴珮

楊英字邦傑

陳璿字宗器授河南溫縣縣丞

何璿授四川叙州府高縣知縣

陳玘字文玉授貴州布政司都事陞知州



張翼字敬之授四川叙州府經歷

傅敬字寅之授山東費縣縣丞

昌玉授直隸松江府華亭縣主簿

張綱授訓導

鄒誠授訓導

宋環字德儀授直隸三河縣儒學訓導陞教諭

曹裕字尚寬

封玉字大用授引禮舍人陞典簿

陳濟字時濟

熊琳字廷璋授訓導陞四川射洪縣儒學教諭

入蘄州誌

地

三十一

李淮字源深授江西贛州府儒學訓導

顧昊字伯元

朱易字宗義授都司斷事陞貴州普安州知州

朱暉字用昭授福建衛知事

劉琛字本璋授訓導

馬駘字廷用

劉迪字宗吉

王麟字應祥授廣東南雄府經歷

齊賢字良弼授廣東惠州府照磨

游仲瑀字正儀授廣東雷州府推官



宋楚字伯山授河南陝州同知

馮翺字時舉授山東兗州府推官

曹琪字廷獻

魯昇字君用授江西饒州府德興縣縣丞

甘銘字警中授廣東布政司都事

吳山字景瞻

張瑩字本明授訓導河南上蔡縣學

王鸞字應期授江西余干縣儒學訓導陞河南

舞陽縣學教諭

昌允昇字元吉授散官

入 蕪湖誌

地

三七

李樂字大韶授山東兗州府儒學訓導

甘泉字淵夫瑩第二子

張清字濂夫授四川訓導陞雲南晉寧州學正

馬謙字益之

王鳳字應時授四川成都府郫縣主簿

李顯字德明授四川廣安州州判

陳佑字天相

彭珠字時重授河南鞏縣縣丞

丘隆字汝昌授河南鞏縣儒學訓導

陳斐字文著



胡思明字視遠

陳仲甫字文英

陳詠字淑雅授四川夔州府萬縣儒學訓導

壽鳳字宗岐

張忠學字復初授散官

徐金字聲之

陳僚字君佐授河南開封府扶溝縣儒學訓導

馮鵬字冲霄

嚴泉字本深

劉經濟字汝材

入 蕪湖誌

地

三八

四十五歲貢

天順五年

張福授福建泉州府儒學訓導陞教諭

陳恕字本忠授四川漢州吏目

例貢

成化二年

吳英任叙州府檢校

宋奎字伯宿授臨清提舉司提舉

宋璧字伯玉授四川綦江縣主簿

張文字廷煥授中城兵馬陞江西建昌府通判



成化二十一年

劉誌

正德三年

顧楹字濟川

張文憲字時範

陳大章字宗夔

正德十二年

馬廷玉字栗夫

楊楫字本載

正德十二年

入 蘄州誌

地

三十九

李山字靜夫

翁景曉字希明

嘉靖四年

王廷文字孟卿

陳仁民字良治

武勳

自古奉天定難而開國承家所不可後者  
漢以淮陰而西土立齊以卽墨而青海安  
所繫不亦重乎

皇明定鼎金陵一時武臣如康茂才者皆能戮



力攻取以一疆宇而後之立功靖難者亦  
多不乏人徇名責實率准軍資爵其身而  
錄其後書曰賞延于世幸有覩于今日倚  
歟盛哉因備誌之

康茂材字壽卿州人能通經史大義事母孝元  
季兵亂茂材團結鄉兵禦之王師下建康率  
所部降授秦淮翼水軍元帥守龍灣累陞同  
知大都督事經畧中原從定齊魯取汴下洛  
駐師陝州給糧造橋以渡大軍遂領河中茂  
材善撫綏招徠絳解諸州之人屏蔽潼關秦

新誌

地

四十

人不敢東向民立石頌德薨贈湖廣行中書  
省平章政事柱國追封蘄國公諡武義

康鐸茂材子襲封蘄春侯初東宮讀書大本堂  
鐸侍之賜金牌鐸蘄國武毅公五字置帽上  
別其幼小便趨朝參比長累著功伐後征雲  
南薨于營邸贈蘄國公諡忠愍

康鑑茂材仲子遷廣西護衛指揮使司事

康永鐸玄孫洪武二十一年鐸薨子淵甫二歲

聖旨可實授蘄國公食祿二千五百石待十六歲襲  
爵比



龍馭升遐停襲正德十一年以兵科給事中戴銑奏  
為敷陳治體助謹

天戒事內開凡開國

元勳配享

太廟及列祀功臣廟者通行求訪故求廕南京錦衣  
衛上俞所千戶

陳福清其先滁州人

本朝討陳友諒大戰鄱陽湖以劉基占福清急扶  
聖躬越七舟火砲果至獲免賜蟒服玉帶授蘄州衛  
千戶未幾調陝西河州衛以疾卒歸葬蘄州

蘄州

地

聖

鳳凰山麓廕及曾玄陞至萬戶子孫之在蘄  
者尤以文顯

田鳳字鳴岐其先山東濟南府武定州陽信縣  
人世襲蘄州衛指揮使天順間征香爐山苗  
賊有功陞湖廣都司都指揮僉事

王貴字天爵其先北京順天府鴉湖縣人世襲  
蘄州衛指揮同知成化初征襄陽賊劉千斤  
石和尚等有功陞湖廣都司都指揮僉事

吏選

周禮八職史掌官書以贊治正歲則辨其



能者良者書之以告于上而懲戒行焉故善觀人者惟諦審其濟時之用何如若其所處之崇卑不暇論也近世談者病於高視刀筆之役若不屑焉徃徃以試吏爲詘辱殊不知漢世致位台鼎其或起家至二千石者多自吏始况簿書法律皆吾道緒餘此君子所以每嘆世人之論之不古嘗觀蘇文忠公之詩讀書萬卷不讀律致君堯舜終無術胡文定公與子之書又謹三尺考求立法之意而操縱之斯可爲政不

人  
勸懲

地

三

在人後然則今之飭吏者其亦以講學爲要何患前人之事功不可致耶勸之爲吏者多茲采其有成績者第列于左風勵後來

童志州人任四川井鹽縣典史

梅晟州人任山東曲陽縣典史

郝源州人任雲南通海縣倉大使

黃文州人任四川千戶所吏目

黃裔州人任福建巡檢

劉瓘州人任廣西柳州府典史



楊洪州人任山東平渡州維縣遞運所大使

張玉州人任雲南巡檢

朱鑾州人任江西贛州府贛縣主簿

劉憲州人任南京留守衛經歷

項基州人任四川仁壽縣典史

馮信州人任四川江津縣清平巡檢

蔡鵬州人任江西袁州府稅課司大使

張珍州人任四川驛丞

劉源州人任江西驛丞

王文州人任河南信陽州廣濟倉大使

入 蘄誌 地 三

哈儀州人任四川南谿縣龍騰水驛驛丞

蔡綸州人任江西贛州府倉大使

聶鎮州人任四川叙州府宜賓縣典史

陳福州人任直隸通州衛倉副使

許帥州人任河南莘野縣典史

施濟州人任四川平茶峒兵官司吏目

趙仲仁州人任北京海盈倉守支

陳湘州人任通州倉守支

曾訓州人任京倉經歷

劉英州人冠帶聽選



田倫州人冠帶聽選

金相州人冠帶聽選

陶大本州人冠帶聽選

侯佐州人冠帶聽選 何玉州人冠帶聽選

陰陽學典術

嚴泉州人正統間任 宋堅州人成化初任

宋荃州人成化間任 吳洪州人正德二年任

李欒州人正德三年奉例聽選

醫學典科

易致和州人洪武十七年授任

人

地

器

奉

天承運

皇帝制曰藥所以治病肇自神農詳水陸之產別草

木之類參以金石入以飛走試性之剛柔臣以

世用良能回生於將亡之際起死於瞑目之昔時

人善是懷仁以濟人今人善斯惟貪是務若或

不是剛配剛而柔偶柔傷命須臾或及歲月愚

民無知咸曰病篤遽然而逝豈知醫之庸險者

耶其險醫又不知好遺之道必然者也今朕設

醫官命所在有司精選來聞以憑擢用爾今有



司以良能奏特授爾以職給爾以符俾統諸市  
村二科之士懷仁體聖人壽是方來朝考績朕  
將合焉爾其慎哉

符

易致和授湖廣黃州府蘄州醫學典科

洪武十七年十二月二十二日

易崑州人正統間任 易稽州人天順間任

易宗文州人成化十六年任

易宗周州人正德二年任

封贈

自武王未受命追王太王王季故後代有

蘄州誌

地

甲五

追謚追尊之典兩漢相承厥後人臣亦有  
追贈之制此封贈之源其來遠矣迨我

皇明稽古典禮於文武諸臣在中外者必推恩  
以及所生悉家封贈如例嗚呼爵祿榮其  
身及其親定孝兩盡尚當於功名事業  
之間求之矣

康文廣州大同鄉人以曾孫茂材貴贈中奉大  
夫中書叅知政事護國追封京兆郡公

康德懋以孫茂材貴贈資善大夫中書右丞上  
護軍追封京兆郡公



康壽以子茂材貴贈榮祿大夫同知大都督府事柱國追封蘄國公

馮寶以子思齊貴贈監察御史

張允誠由歲貢任教諭以子主事張彤降除之

貴封大興縣丞

王恭以子翰貴封戶部主事

劉仕銓以子澄貴封工部主事

華珏以子仲賢貴贈刑部主事加贈常州府知府

陳理以子大中貴贈戶部主事

劉仲誠以子樽貴贈太僕寺丞

蘄誌 地 四六

### 隱逸

孔子生於春秋刪述垂憲至戰國孟軻氏又為七篇之說孔孟豈不欲以其用用於鄒魯諸君也顧行止有天命在要不可以必得焉為今之士當文明熙洽之盛大小底用則下無遺賢矣若曰堯舜在上下有巢由然則今之山林草澤豈無揖孔孟於羹墻而私以自淑者乎

### 宋

林敏功字子仁蘄州蘄春縣人以春秋下第杜



門不出者二十年博通五經尤長於詩治平  
中曾爲知州范純仁作四見亭記元符末徵  
詔不起賜號高隱處士其弟敏脩字子來所  
居比鄰終老以文字相友善敏脩終身不舉  
進士世號二林

國朝

朱紳字懋孚別號竹坡僑居田野惟事耕稼以  
自食牛背夕陽卷冊相隨意與情適情與景  
會下筆千百言袞袞不竭爲律爲古選爲歌  
爲曲爲行爲引爲長短句慷慨激烈悲今弔

人 蕪州誌

地

四七

古人莫能窺其際使其出就功名一階進庸  
以鋪張清廟之美尤必有可觀者焉奈何煙  
霞痼疾一劑莫砭直欲與古人翱翔于千百  
世之下鴻冥鳳舉孰得而繒弋之也易箒時  
猶賦詩云文公先生六篇書世上人人不可  
無多少好人行好事盡從這裏做工夫

陳熙庠字宗文別號一齋一號垂目山人其先  
河南杞縣人從事

荆國隸籍儀衛司家于蕪州熙庠美髯脩幹雙眸  
電炯步趨言動皆有尺度襟帶衣冠率遵古



法退處于家恬于世嗜日坐兩山精舍討論  
問學客至談話終日罕及世故信其為隱君  
子也善詩畫尤邃于醫得其尊甫味易先生  
心傳病者不問貧富咸趨其急一時名碩弗  
莫推重如大巡毛公伯溫憲副惲公魏少卿  
汪公玄錫嘗造其家母歿左史吳公稷右史  
謝公在頻慰廬次觀其交可知其人詩集醫  
方傳世各凡若干卷

孝子

善事父母是為孝子  
斷之孝子古無所考

八 斷誌 地 四

按今通志陳昇劉瑄之迎養陳昇為無極

氏奉養劉瑄作河南顧濂之顏堂宋壁之

廬墓顧濂為衛輝知事二親俱不在顏其

墓三具有一行之長自我

太祖高皇帝教民以孝榜諭天下以來至今遵  
奉長於一行者在在有之考之吾斷亦不  
勝書茲采西山真氏勸孝文畧節錄于左  
方以為斷人告冀其互相勸勉以臻大孝  
各求無負我

聖祖教民之意焉



昔者聖人作孝經一書教人以事親之道其紀  
孝行章曰孝子之事親也居則致其敬養則致  
其樂病則致其憂喪則致其哀祭則致其嚴五  
者備矣然後能事親孝之終始無出於此所謂  
居則致其敬者言子之事親常須恭敬不得慢  
易蓋父母者子之天地也爲人而慢天地必有  
雷霆之誅爲子而慢父母必有幽明之譴昔太  
守侍郎王公見人禮塔呼而告之曰汝有在家  
佛何不供養蓋謂人能奉親卽是奉佛若不能  
奉親雖焚香百拜佛亦不佑此理甚明幸無疑

八 新州志

地

卷九

焉所謂養則致其樂者言子之孝親當以順適  
其意使之喜樂也大凡高年之人心常喜悅則  
疾病必少中懷戚戚則易損天年昔老萊子雙  
親年高常著綵衣爲兒童戲正以此也今貧下  
之民固無美衣珍膳以奉其親但能隨力所有  
盡其誠心父母未食子不先嘗父母尚寒子不  
獨暖父母有怒和顏開解父母有命竭力奉承  
則尊者之心自然快樂閨門之內盎然如春矣  
所謂病則致其憂者言父母有疾當極其憂慮  
也昔人有母病三年夜不解帶者親年旣高不



能無疾人子當躬自侍奉藥必先嘗若有名醫  
不惜涕泣懇告以求治療之法不必剔肝割股  
然後為孝蓋身體髮膚受之父母或不幸因而  
致疾未免反貽親憂至於喪祭二事皆當以盡  
誠為主不暇一一開陳云云

經曰

孝悌之至通於神明天下萬善孝為之本若能  
勤行孝道非惟鄉人重之官司敬之天地鬼神  
亦將佑之如其悖逆不孝非惟鄉人賤之官司  
治之天地鬼神亦將殛之今請鄉黨鄰里之間  
更相勸勉

人勸誌

地

手

### 列女

節烈婦女美名必稱其情然後可以當之  
若夫亡再醮遇難求生而不耻於辱身者  
惡得為節烈哉稽之於古如奉天寶氏女  
避群盜於崖穴間為其曳出驅迫在前投  
崖下而死巴陵韓氏女元兵至岳州為其  
卒所掠欲獻主將知其必不能免赴水而  
死鉅鹿魏溥歿妻房氏割左耳投之棺中  
以自誓懷寧李忠歿妻王氏自經死之數  
婦女必中有定見真剛之氣克塞天地寸



膚微命故所不恤視彼夫仁再醮遇難求生之輩相去不知幾千萬矣信乎其爲節婦烈女也故我

太宗文皇帝崇尚節烈懷集徃古節烈之顯著者命儒臣編次成書曰竇曰韓曰房曰王悉寓甄錄焉蓋欲天下有所矜式而振作栢舟之聲一洗桑濮之汚也蘄之婦女若羅冠張思清妻雖不如房王之著有顯迹然亦不聞致有凱風之作在今亦可謂疾風中勁草也 若張文女實有韓竇

蘄州誌

地

五

之風其亦涵濡

文皇之化而不識不知者歟故併書于左

陳氏真一州民羅冠妻年二十四而冠歿自矢不他適人幼子各殤撫長子成立守至三紀而終時以爲節婦請

表其閭未報

夏氏州民張思清妻年一十八而清歿立姪文明爲後家貲雖裕一切文綺不加於體凜然操守至八十有六而猶未艾先年請表其閭未報



元 萬戶府張總管二女長年三十又二次年二十  
又九俱未適人至正辛卯賊兵逼蘄父子流  
離相失二女相與嘆曰今父子無俱全之理  
吾與汝計決矣賊至皆赴蓮花池溺水而死

國朝

張文秀才女正德六年辛未霸州賊劉六等叛  
出秦淮浮舟而上漸逼蘄州文載妻女避江  
南火山磯空中賊標掠登磯窺女執汚之女  
罵賊不從并其母丘氏被殲文亦被虜  
流寓

蘄州誌 地 三

君子來遊于斯地要皆樂其風俗之美山  
水之勝負智于能擇寄興於幽討焉耳其  
間或至憤時忤意坐謫而遷果能忘所隱  
約抑屢情於美且勝者否乎因著其名氏  
併傳其事

唐 李泌京兆人少以才敏著聞唐玄宗使太子遊  
楊國忠惡之徙蘄州安置

宋 孫傳海州人仕宋為中書舍人宣和來高麗入  
貢使者所過調夫治舟傳言搔擾勞費以妨  
農時宰相以其所論同蘇軾奏貶蘄州安置



劉繫末靜軍人累官右僕射辯白邪正為羣小所惡貶光祿卿蘄州居住

國朝

壽章其先浙江上虞縣人仕

荆王府伴讀因占籍蘄州子儒中湖廣鄉試第

進士授虞部主事子鳳應蘄貢註銓部選亦

將有民社之寄孫濂列庠籍

陳遜其先蘇州長洲縣人仕

荆王府紀善子灝儒士王嘉其學行保除本府

教授孫詠畱蘄州應貢授四川萬縣訓導為

蘄州志

地

卷三

人博雅悉有父祖風為蘄文賢之所器重

羅啓其先四川長壽縣人成化中仕

荆王府紀善陞右長史子志觀畱籍蘄州志觀古

貌慤愿強記工詩辭尤善繪事且有清隱之

沈俊其先蘇州崑山縣人任羅田縣知縣女為

都昌靖惠王妃隨居蘄州孫惠女為

樊山王妃 恩授南城兵馬指揮

仙釋

仙釋之教外形骸鍊魂固非吾儒所宜

崇信也然則胡致堂輪藏記朱紫陽感興



詩模寫誦讀而樂取其說豈揚其波而助其瀾也蓋其教之行日新月盛有不可得而撲滅者既已久矣况有若高間上人羅浮道士之流是併可棄耶吁與其人不錄其行尚當責之麟經之外可也

僊

晉

羅翼真人在州西南乾明磯山石臺飛昇石上見有履迹方輿勝覽云在城北龍峯山非劉六真人在州東百六十里大桴山得道飛昇王全真在州東北天長觀脩鍊白晝飛昇

人 蘄州誌

地

善

釋

隋

道信姓司馬氏其先世居河內後徙蘄之廣濟隋大業間領徒眾抵吉州唐武德中之蘄住破額山末微初卒廣德間號大醫禪師卽宗派所謂四祖也

唐

神秀河南尉氏人住蘄州禮五祖爲師傳衣鉢間乃卽廊廡題偈曰身是菩提樹心如明鏡臺時時勤拂拭莫遣有塵埃唐武后召至都命舊山置度門寺以旌異之張說問法秀曰一切佛法身心本有將心外求捨父逃走神



龍初入滅諡大通禪師

伏虎禪師姓韓氏諱令珪琢州人母夢一星墜

懷而生出家登三角山脩道乾化間始建寺

宋仁宗賜額龍門諡師慈應禪師高宗加賜

龍門資教加師慈應妙濟禪師

張祖師舊傳唐真觀間有勝地神人魯王原居

之師欲謀居乃與神人顯異術共沐於谿師

以手巾蓋石令神揭取莫能起師即占其地

神怒登山以石擊之二石分一石落于師頂

以手托之遂結為石龕掌迹手巾迹見存

八 蘄州誌 地

五

高谿寺僧白崖禪師舊傳一人願從其教許之

復與盟曰汝凡胎焉能有得必剖腹條其五

臟其人亦無難色引入山澗遂剖血隨水出

途人驚往伺察遇一僧告其故語畢忽不知

去向尋復追覓弗獲惟見一石齒刺山麓儼

然白巖形視其下石刻有詩云金殿重重鈴

動風六龍飛入碧雲中晚來落盡前山雨人

借僧房鶴借松事之幻固無所考如其詩則

有可訝焉

蘄州誌卷之七終